

**DE RESURRECTIONE
DOMINI ORATIO
HABITA IN SACELLO
PONTIFICIO CORAM
SANCTISSIMO...**

Ioannes Vitellius de Vitelleschis,
Valenti Gonzaga



(III.)


SANCTISSIMO DOMINO NOSTRO D.

CLEMENTI XI.

PONT. OPT. MAX.

JOANNES VITELLIUS DE VITELLESCHIS

Felicitatem.



*Æc cùm scriberem,
BEATISSIME PATER, subjēcturus oculis
tuis, quæ coram Te dicendi honos, &*

a 2

onus

(IV.)


onus pariter mihi contigit, deterrebat me fermè summa illa, omnique admiratione major, qua majestatem ipsam auges, Sapientia, cui nihil profectò tam elegans, nihil tam perpolitum ingenio, nihil tam elaboratum industria offerri potest, quod sub tuo veluti majori lumine non obumbretur. Quid enim huic rudi, omnique eloquentiæ vi destitutæ orationi meæ novus in scribendo sperarem? quæ si cum cæteris orationibus, minor, sin verò cum tua Sapientia comparetur, omnino est nulla. Verumtamen hæc ipsa omnia diligentius pensanti mihi animum addiderunt, ut experirer consuetam, ingenitamque Clementiam Tuam.
Quem-

Quemadmodum enim superveniente Sole, quæ magis, quæve minus irradiant Sydera, nullus distinguat, quoniam in Supremo lumine absorbentur omnia, ita etiam, cum tanta sit altitudo Sapientiæ Tuæ, hic quantumvis exilis, quantumvis impar oculis tuis ingenii mei labor æquabitur sanè, crediderim, si non Tibi, cæteris saltem dissertationibus, quas usque adhuc de Dominica Resurrectione accepisti, quoniam Te legente minores sunt omnes. Accedit insuper BEATISSIME PATER, quod materies ipsa Orationis meæ, tibi grata propemodum, & familiaris quodammodo contingat necesse est, hoc enim agis quotidie tuo exemplo, tuis

(VI.)

*monitis, tua omni paterna denique
cura, ut suscitetur Christus in nobis:
& sicut Apostoli dormientem susci-
taverunt in navi, ita languentem,
ac veluti mortuam pietatem, ac Fi-
dem excitas in Ecclesia. Patens hoc
loco aperiretur dicendi Campus,
quoniam verò sicut excelsa facere
delectaris, ita facta audire tantum
non pateris, reliquum est, ut diu-
turnam Sanctitati Tuae Incolumi-
tatem precatus, & in osculo Sa-
crorum Pedum humillimè devolu-
tus obedientiam tacendo profitear.*

ORA:



ORATIO.



^a **D**E^a **P**ONENTES lugubre moe- ^{a. Chrysoft.}
 roris pallium, **BEATIS.** ^{hom. 2. de}
^b **S**IME PATER, hodie ac- ^{Resurr.}
 cipimus lætitiæ indu-
 mentum, quia nempe
^b resurgens **Christus** ex ^{b. Ad Rom.}
 mortuis, jam non mo- ^{c. 6. v. 9.}
 ritur, mors illi ultra non dominabitur.
 Grande utique, & singulare hodiernæ ce-
 lebritatis Solatium, ^c resurrexit siquidem ^{c. S. Aug. in}
 Lazarus, sed moriturus; resurrexit ^{Pf. 126.} filia
 Archisynagogi, sed moritura; resurrexit
 filius Viduæ, sed moriturus; resurrexit
 autem **Christus** non moriturus. Sed ^d visio ^{d. Isaïæ. 21.}
 dura nuntiata est mihi: Et vidi; & ecce ^{v. 2.}
 in ^{c. Apoc. 1. 5.} ^{v. 17.}

(VIII.)

in medio throni agnum stantem tamquam occisum . Quid ergo ? Numquid satis non surrexit, numquid perfectius resuscitari expectat in cælo ? Rem novam dico, sed quæ scripturarum vocibus comprobatur: Sicut à nobis adimplenda est passio Christi, ita & illius adimplenda est Resurrectio.^g Hoc ergo primum intelligentes, quod omnis prophetia propria interpretatione non fit, recurramus ad Patrem luminum, ut cogitationes, quæ necessariæ sunt veritati, ^h non ascendant in corda nostra, sed descendant, non ascendant utique è terra, sed descendant ab ipso .

Et quoniam contristari libet, ut magis inde plenum sit gaudium nostrum, loquamur de passione pauca, similia postmodum, sed lætissima de resurrectione dicturi . Porro ⁱ Dei perfecta sunt opera, & perfectissimum illud fuit, quod in cruce, ^k Consummator Jesus exhibuit, dum ^l languores nostros ipse tulit, & dolores nostros

*f S. Auguſt.
Serm. 1. de
Reſurrexi.*

*g 2. Pet. c. 1.
v. 20.*

*h Auguſt.
Serm. 69. de
diverſis.*

i Dent. 32. 4

*k Ad Hebr.
12. 2.
l ſaiæ 53. 4.*

(IX.)

stros ipse portavit, tunc enim ^m in finem, ^m *Joan. 13. 1.*
 dilexit nos, & ideo cùm accepisset acetum
 dixit: ⁿ Consummatum est, ^o videlicet de ⁿ *Joan. 19. 30.*
 mensura passionum nihil deest, & inclina. ^o *S. August. in ps. 86.*
 to capite tradidit Spiritum, tamquam ideo
 expectaret, ut complerentur, sed si com-
 pletæ jam erant, quomodo adimpleri de-
 bent à nobis, & quomodo gloriatur Apo-
 stolus dicens: ^p Adimpleo ea, quæ defunt ^p *Ad Coloss. 1. 24.*
 passionum Christi in carne mea? Quia,
 nempe ^q unus est homo cum capite, & cor- ^q *S. August. in ps. 61.*
 pore suo Jesus Christus, & nobiscum inte-
 ger esse dignatus est, qui & sinè nobis sem-
 per est integer: ^r Ipse utique est caput cor- ^r *Ad Coloss. 1. 18.*
 poris Ecclesiæ, ^s nos autem sumus corpus ^s *Ad Corin- th. 12. 27.*
 ejus, & membra; ^t Completæ igitur erant ^t *S. Aug. in ps. 86.*
 omnes passionibus in capite, idest in Christo,
 remanet tamen, ut compleantur in corpo-
 re, idest in nobis: Hinc est, quod idem
 Apostolus, cùm esset adhuc Saulus, audi-
 vit à Christo: Saule, Saule, quid me perse-
 queris? Quidquid proinde nos patimur,
 deerat passionibus Christi, & quod deerat,
 nos

(X.)

*u S. Aug. in
ps. 61.* nos adimplemus, ^u unusquisque enim
pro modulo nostro exolvimus, quod de-
bemus, & pro posse virium nostrarum qua-
si canonem passionum inferimus.

Jam verò ad Resurrectionem Domi-
ni, quæ caput est Orationis meæ, veluti
data via properantes, quid est, quod ea-
dem, quæ de passionibus dicta sunt, hic
*x Ad Rom.
c. 5. v. 9.* alacres non repetamus? ^x Christus Refur-
gens ex mortuis, jam non moritur, mors
illi ultra non dominabitur: hoc utique in,
*y Apoc. c. 5.
v. 7.* seipso, hoc utique in capite; Sed ^y vidi, &
ecce in medio throni agnum stantem, tam-
quam occisum: hoc utique in corpore, hoc
utique in membris suis. Occisus est agnus
pro Petro, occisus est & pro Juda, quia,
*z Ad Corin-
th. 5. 15.* Christus ^z pro omnibus mortuus est, sed
resurrexit in Petro, non resurrexit in Juda;
Petrus siquidem ostendit se membrum
Christi, & resurrexit, & ideo resurrexit
Christus in illo, Judas verò factus est mem-
brum Diaboli, & non resurrexit, & ideo
non resurrexit Christus in illo. Deest igi-
tur,

(XI.)

tur, deest sanè aliquid, quod suppleri debeat à nobis, sicut & Passionum, ita & resurrectionis ejus, sicut enim ibi desideratur à nobis carnem nostram crucifigi cum vitiis, ita desideratur hìc resurrectio nostra. Mira propemodum Mediatoris nostri dignatio, ut sibi resurrexisse satis non videatur, nisi resurgat etiam in nobis, & ad vitam revocatus à Patre, ad aliquod veluti Suæ vitæ incrementum revocari cupiat à Filiis.

Adimpleamus igitur, quantum in nobis est, hodiernum Dominicæ Resurrectionis triumphum, ut ^{aa} quomodo Christus resurrexit à mortuis, ita & nos in novitate vitæ ambulemus, & ^{bb} sicut mors Christi exemplum fuit, ut peccato moriamur, ita resurrectio ejusdem exemplum sit ^{cc} ut justitiæ vivamus. ^{cc} Confurgamus cum illo, quæ sursum sunt quærentes, non quæ super terram, & ^{dd} exhibeamus nos Deo, tamquam ex mortuis viventes, ut ^{ee} simus in Christo nova Creatura, ideo namque ^{ff} duo

^{aa} Ad Rom.

v. 4.

^{bb} In Voc. III

de Spec. Alt.

Myth. l. 4. c.

35.

^{cc} Ad Coloss.

c. 3. v. 1.

^{dd} Ad Rom.

c. 6. v. 13.

^{ee} 2. Ad Cor.

rint. l. c. 5. v.

^{ff} 17. Joann.

20. v. 12.

(XII.)

duo Angeli unus ad Caput, & unus ad Pedes, ubi positum fuerat corpus Jesu, sese offerunt aspiciendos, ut nimirum resurrectionis, quæ perfecta est in Christo, tamquam in capite, perficiatur etiam in nobis, ^{gg} qui ad instar pedum terræ inhæremus. Revolvamus lapidem, commutemus in meliùs vitam nostram, & quoniam ^{hh} sufficientes non sumus cogitare aliquid ex nobis, quasi ex nobis, ⁱⁱ oremus Dilectissimi, ut nunc descendat Angelus, & totam duritiem nostri cordis evolvat, aperiat sensuum claustra nostrorum, & surrexisset Christum nostris etiam testetur ex mentibus. Tunc erit profectò, ut Agnus, qui videbatur tamquam occisus, totus transeat in eum, qui ^{kk} velut Leo resurgens ex mortuis, jam non moritur, utque nos ^{ll} reconciliati Deo per mortem Filii ejus, multo magis reconciliati salvi simus in vita ipsius.

L A U S D E O.



^{gg} Greg. l. 19. moral. c. 12

^{hh} Ad Corinth. c. 3. v. 5.

ⁱⁱ S. Petrus Chrysost. 5. 75.

^{kk} S. Bernard. Serm. 14. c. 2. brevibus.
^{ll} Ad Rom. c. 5. v. 10.